



OYSTER PERPETUAL
SUBMARINER DATE

ROLEX



MICHELSEN

ÚRSMÍÐIR

Laugavegur 15 - 101 Reykjavík
511 1900 - www.michelsen.is

MARKAÐURINN

Miðvikudagur 26. febrúar 2014 | 21. tölublað | 10. árgangur

Sími: 512 5000 | [visir](http://www.visir.is) www.visir.is

SVANSMERKIÐ
SÍÐAN 2000!

Guðjón Ó
VISTVÆNA PRENTSMÍÐJAN

GRÍÐARLEGUR VÖXTUR Í LEIKJAÏÐNAÐI

- Viðtal við Aðalstein Óttarsson þróunarstjóra hjá Riot Games sem gefur út leikinn League of Legends.
- 67 milljónir manna spila leikinn í hverjum mánuði, 27 milljónir daglega.
- Tekjur tölvuleikjamarkaðarins á Vesturlöndum námu 21,8 milljörðum dala árið 2013.

SÍÐA 6-7



Öryggisgalli hjá Apple

Alvarlegan öryggisgalla má finna í ýmsum vörum frá Apple, til að mynda iPhone-símum og iPad-spjaldtölvum. Gallinn virðist einnig hrjá tölvur fyrirtækisins, fartölvur jafnt sem borðtölvur, sem keyra á Mac OS X stýrikerfi. Gallinn lýsir sér í því að auðvelt er fyrir tölvuþrjóta að nálgast viðkvæmar upplýsingar í raftækjunum, svo sem tölvupóst og bankaupplýsingar. Þeir sem nýta sér gallann, sem snýst um getu hugbúnaðarins til að lesa úr rafrænum auðkennum, geta komist inn í öll rafræn samskipti til og frá Apple-vörum og einnig komið fyrir sýktum hlekkjum í venjulegum tölvupósti.

Talsmenn Apple sögðu um helgina að von væri á hugbúnaðaruppfærslu á næstu dögum til að vinna bug á vandamálinu. - s6j

Flest fiskiskip á Vestfjörðum

Flest fiskiskip á skrá hjá Siglingastofnun voru með skráða heimahöfn á Vestfjörðum í lok árs 2013, en þau voru alls 401 sem samsvarar 23,6 prósentum fiskiskipastólsins. Næst flest voru fiskiskipin á Vesturlandi, alls 324, eða 19,1 prósent. Fæst skip höfðu heimahöfn á Suðurlandi en þau voru 72 talsins, sem samsvarar 4,2 prósentum fiskiskipastólsins. Flestir togarar höfðu skráða heimahöfn á höfuðborgarsvæðinu, alls ellefu, en níu togarar voru skráðir á Norðurlandi eystra. Fæstir togarar voru skráðir á Vesturlandi en þeir voru þrír.

Fjöldi fiskiskipa í heild var 1.696 og hafði þeim fjölgað um sex frá árinu áður. Fjöldi vélskipa var alls 783 og togarar voru fimm talsins. - skó

Valinn í fagrað fyrir IBM

IBM hefur valið Pétur Eypórssson, hugbúnaðarsérfræðing hjá Nýherja, í átta manna fagrað fyrir IBM Tivoli Storage Manager-hugbúnað, sem er ætlað að marka stefnu og nálgun fyrir hugbúnaðinn á markaði. IBM Tivoli Storage Manager er miðlæg afritunarlausn fyrir tölvukerfi og er leiðandi lausn á sínu sviði.

Gunnar Zoëga, framkvæmdastjóri Tæknisviðs Nýherja, segir þetta mikinn heiður ekki síst þar sem Pétur er sá eini í fagraðinu sem er ekki frá IBM. Einstakt sé að íslensk fyrirtæki hafi aðgang að einum fremsta sérfræðingi í heimi á sviði afritunarlausna. - fbj

Magnaðir
morgunfundir
Advania



Kynntu þér spennandi dagskrá og skráðu þig
advania.is/fundir

 **advania**
Welcome to IT

Gengi félaga í Kauphöll Íslands

1
Á UPPLÉIÐ
Félög sem hækkuðu í verði

10
Á NIÐURLEIÐ
Félög sem lækkuðu í verði

2
STÓÐU Í STAD
Félög sem stóðu í stað

MESTA HÆKKUN
ÖSSUR
11,4% frá áramótum

NÝHERJI
0,5% í síðustu viku

MESTA LÆKKUN
MAREL
15,8% frá áramótum

HAGAR
-5,9 í síðustu viku

Aðallisti Kauphallarinnar | Nasdaq OMX Iceland

Félag	Gengi í gær	Frá áramótum	Víkubreyting
Atlantic Airways (DKK)	144,00	-5,9%	0,0%
Bank Nordic (DKK)	119,00	-8,5%	0,0%
Eimskipafélag Íslands	243,00	-7,3%	-2,2%
Fjaraskipti (Vodafone)	28,30	3,9%	-2,4%
Hagar	40,65	5,9%	-5,9%
Icelandair Group	18,15	-0,3%	-2,2%
Marel	112,00	-15,8%	-2,6%
N1	18,55	-1,9%	-1,3%
Nýherji	3,67	0,5%	0,5%
Reginn	16,05	3,2%	-2,1%
Tryggingamiðstöðin	29,45	-8,1%	-2,2%
Vátryggingafélag Íslands	10,38	-3,8%	-1,7%
Össur	255,00	11,4%	-1,9%
Úrvalsvísitalan OMXI6	1.193,69	-5,2%	-2,9%

First North Iceland

Félag	Gengi í gær	Frá áramótum	Víkubreyting
Century Aluminum	1150,00	0,0%	0,0%
Hampiðjan	14,00	13,2%	7,1%
HB Grandi	24,00	9,1%	0,0%
Sláturfélag Suðurlands	1,22	0,0%	0,0%

Dagatal viðskiptalífsins keldan

- Miðvikudagur 26. febrúar**
→ Nýskráningar og gjaldprot í janúar 2014
→ Ársuppgjör Fjaraskipta 2013 birt
- Fimmtudagur 27. febrúar**
→ Eimskip - Uppgjör fyrir árið 2013
→ Vísitala neysluverðs í febrúar 2014
→ Farice - Uppgjör fyrir árið 2013
- Föstudagur 28. febrúar**
→ Útungun hænsna í janúar 2014
→ Fjármál ríkissjóðs á greiðslugrunni
→ Vísitala framleiðsluverðs í janúar 2014

- Vöruskipti við útlönd
→ Þjónustuviðskipti við útlönd
- Mánudagur 3. mars**
→ Erlend staða þjóðarþúsins og erlendar skuldir
→ Fjárfestakynning Nýherja hf.
- Miðvikudagur 5. mars**
→ Fasteignamarkaðurinn í mánuðum eftir landshlutum
→ Vöruskipti við útlönd í febrúar 2014

Allar markaðsupplýsingar eru aðgengilegar á vísir



HAFÐU FJÖLPÓSTINN ÞINN Í FRÉTTABLAÐINU

Fréttablaðið er mest lesna dagblaðið með glæsilegt forskot á keppinautana. Meðallestur Fréttablaðsins í aldurshópnum 25-54 ára er 73% á höfuðborgarsvæðinu.*

Við bendum auglýsendum á að notfæra sér forskotið þegar þeir velja dreifingarleið fyrir fjölpóst sinn. Við dreifum sex daga vikunnar til heimila á stærsta markaðssvæði landsins.

Hafðu fjölpóstinn þinn inni í Fréttablaðinu.


Það er áhrifarík leið til að koma skilaboðum um vöru eða þjónustu beint inn á heimilin.

Kannaðu dreifileiðir og verð í síma 512 5448 eða í tölvupóstfangi fjolpostur@frettabladid.is

FRÉTTABLAÐIÐ

Innskot í Fréttablaðið skilar árangri!

*Prentmiðlökönnun. Capasent október-december 2012 - höfuðborgarsvæði 25-54 ára



Úrvalsvísitalan lækkaði um 1,95% á rauðum degi í Kauphöll Íslands:

Allt rautt í Kauphöllinni í gær

Mikil lækkun varð á hlutabréfum allra félaga í Kauphöllinni í gær. Úrvalsvísitalan lækkaði um 1,95 prósent og stóð þá í 1.193,69 stigum. Heildarvelta dagsins var 2.211 milljónir króna.

Mest varð lækkunin á bréfum Haga sem lækkuðu um 2,87 prósent. Össur lækkaði um 2,67 prósent, Marel um 2,61 prósent og Reginn um 1,83 prósent. Önnur félög lækkuðu einnig en bréf Eimskips lækkuðu minnst, um 0,82 prósent.

Mesta velta dagsins var með hlutabréf Icelandair, eins og svo oft áður, en hún var 587 milljónir króna. Velta með bréf Haga var 275 milljónir króna og Marel 222 milljónir.

Mikið hefur verið um að vera í Kauphöllinni það sem af er þessari viku. Á mánudag seldu fjárfestarnir Hallbjörn Karlsson og Árni Hauksson 77 milljónir hluta í Högum fyrir rúmlega 3,2 milljarða króna og nokkur félög hafa þegar birt ársreikninga sína.



KAUPHÖLLIN Bréf í Högum lækkuðu mest eða um 2,87 prósent.

FRÉTTABLAÐIÐ/DANIEL

Tveir svanir á skrifstofu forstjóra FME

Nýir fundarstólar á skrifstofu forstjóra FME kostuðu samtals 792.000 krónur. Varaformaður fjárlaganefndar Alþingis segir mikilvægt að gera kröfur til þeirra sem fara með almannafé.

STJÓRNSÝSLA

Haraldur Guðmundsson | haraldur@frettabladid.is

Fjármálaeftirlitið (FME) keypti í september tvo fundarstóla fyrir skrifstofu Unnar Gunnarsdóttur forstjóra stofnunarinnar sem kostuðu samtals 792 þúsund krónur. Stólarnir eru þekkt hönnunarvara sem heitir Svanurinn. Þeir voru að sögn upplýsingafulltrúa FME síðasti liðurinn í 66 milljóna króna endurnýjun á húsbúnaði sem hófst árið 2011 þegar ríkisstofnunin flutti í nýtt húsnæði að Katrínartúni 2.

„Þessir stólar á skrifstofu forstjóra eru þeir einu þessarar gerðar hér í Fjármálaeftirlitinu,“ segir Sigurður G. Valgeirsson, upplýsingafulltrúi FME.

Í svari stofnunarinnar við fyrirspurn Markaðarins segir að um 9,4 milljónir króna af heildarkostnaðinum hafi farið í kaup á nýjum húsgögnum fyrir ellufu einkaskrifstofur stjórnenda FME, eða um 857 þúsund krónur á hverja skrifstofu.

Guðlaugur Þór Þórðarson, varaformaður fjárlaganefndar Alþingis, segir tölur FME staðfesta að þar ríki annar kultúr en á mörgum öðrum ríkisstofnunum.

„Ég hef vakið athygli á því að á sama tíma og við höfum verið að draga saman í heilbrigðis-, mennta- og löggæslumálum þá hefur verið griðarleg aukning




FME Stofnunin flutti í september 2011 í nýtt leiguhúsnæði við Katrínartún 2 í Reykjavík. FRÉTTABLAÐIÐ/VILHELM

til opinbers eftirlits og þar virðist ríkja önnur menning heldur en á þessum stofnunum sem ég ven að vísa til sem sinna grunnþjónustu,“ segir Guðlaugur Þór. Hann segir framlög til FME hafa verið aukin um 198 prósent frá árinu 2007. Rekstur stofnunarinnar er fjármagnaður af eftirlitsskyldum aðilum, það er bönkum og tryggingafélögum, samkvæmt lögum um greiðslu

kostnaðar við opinbert eftirlit með fjármálastarfsemi.

„Þetta er eitthvert umhverfi sem ég sé svo sannarlega ekki sem heilbrigðisráðherra og get ekki séð rökin fyrir af hverju þarf að ganga fram með þessum hætti. Eftirlit er mikilvægt en það verður að gera kröfur til þess að menn fari þar vel með almannafé, þar eins og annars staðar,“ segir Guðlaugur Þór.



SVANURINN Danski hönnuðurinn Arne Jacobsen hannaði Svaninn í lok fimmta áratugarins.

Stjórn VÍS lagði til að hluthafar í félaginu fengu 85 prósent af hagnaði 2013 í arð:

Hagnaður VÍS dregst saman

Rekstur tryggingafélagsins VÍS skilaði 2.154 milljóna króna hagnaði á síðasta ári samanborið við 3.025 milljóna hagnað árið 2012. Þar af hagnaðist félagið um 111 milljónir króna á fjórða ársfjórðungi 2013, sem var samdráttur um 1.168 milljónir frá sama tíma 2012.

Í fréttatilkynningu sem félagið sendi frá sér í gær um afkomuna segir að stjórn þess hafi lagt til að 85 prósent af hagnaði ársins 2013, eða 1.831 milljónir króna, verði greidd í arð til hluthafa.


Sigrún Ragna Ólafsdóttir, forstjóri VÍS, segir í tilkynningunni að meginskýringin á minni hagnaði á fjórða ársfjórðungi tengist annars vegar stóru tjóni sem tilkynnt var til félagsins á tímabilinu.

„Og hins vegar neikvæð þróun á markaðsverði ríkistryggðra skuldabréfa og neikvæð áhrif styrkingar krónunnar á eignasafn félagsins. Á móti kemur að innlent hlutabréfasafn félagsins skilaði ágætri ávöxtun,“ segir Sigrún.



FORSTJÓRINN Sigrún Ragna Ólafsdóttir segir reksturinn hafa gengið vel á árinu 2013. FRÉTTABLAÐIÐ/VILHELM

- hg



Spurningin um aðild að Evrópusambandinu er stærri og mikilvægari en svo að einstakir stjórnmaflokkar eða ríkisstjórnir eigi að ráða svarinu.

Alþingi ber að sýna þjóðinni þá virðingu að leggja framhald aðildarviðræðna Íslands og Evrópusambandsins í dóm allra Íslendinga.

Þess vegna er hafin undirskriftasöfnun á vefnum **Þjóð.is** þar sem skorað er á Alþingi að leita þjóðarviljans.

Alþingismenn starfa í umboði okkar. Látum þá vita hvað við viljum og skrifum undir.

www.þjóð.is

**JÁ, ÉG VIL
KJÓSA!**



FASTEIGNAFÉLAG Helstu eignir Regins eru Smáralind og Egilshöll. FRÉTTABLAÐIÐ/VALLI

Ekki verður greiddur út arður árið 2014:

Hagnaður Regins rúmir 2,4 milljarðar

Rekstrartekjur fasteignafélagsins Regins hf. námu 4.043 milljónum króna í fyrra og þar af námu leigutekjur 3.524 milljónum króna sem samsvarar 24% hækkun samborið við árið 2012. Reginn birti ársreikning sinn í gær. Hagnaður félagsins nam 2.434 milljónum króna borið saman við rétt tæpar 2.600 milljónir árið 2012. Hagnaður svarar til 1,87 króna hagnaðar á hlut borið saman við 1,57 árið 2012.

Stjórnendur félagsins telja horfur í rekstri góðar og afkomna hafi verið í samræmi við áætlun félagsins en þó verður ekki greiddur út arður í ár.

Í lok árs 2013 átti Reginn 45

fasteignir. Heildarfermetrafjöldi fasteignasafnsins var 192 þúsund í árslok og þar af voru 172 þúsund útleigjanlegir fermetrar. Útleiguhlutfall fasteignasafnsins er um 98% miðað við þær tekjur sem 100% útleiga gæfi. Stærstu eignir Regins eru verslunarmiðstöðin Smáralind í Kópavogi og Egilshöll í Grafarvogi.

Í febrúar 2013 var gerð breyting á fjárfestingastefnu félagsins, lögð var frekari áhersla á sterkt eigið fé og skýra arðsemiskröfu. Í markmiðum félagsins er gert ráð fyrir að eignasafn félagsins allt að tvöfaldist á næstu fimm árum frá samþykkt fjárfestingastefnu.

- fbj

Hlutfall snjalltækja í vefumferð 34 prósent

Ólafur Örn Nielsen, framkvæmdastjóri vefhönnunarstúdíósins Form5, segir fyrirtæki þurfa að laga sig að breyttum veruleika á netinu. Þróunin er komin lengst á samfélagsmiðlum.

UPPLÝSINGATÆKNI
Fanneý Birna Jónsdóttir | fanneý@frettabladid.is

Hlutfall snjalltækja í vefnotkun Íslendinga hefur um það bil tvöfaldað á einu ári. Ólafur Örn Nielsen, framkvæmdastjóri hjá Form5 vefhönnunarstúdíói, hefur tekið saman tölur frá helstu vefmiðlum landsins ásamt tölfraði frá Modernus sem heldur úti samræmdri vefmælingu yfir heildarnotkun.

„Þar kom í ljós að á vefmiðlum sem hafa breiða markhópaskírskotun er hlutfall snjalltækja um og yfir 25 prósent af allri umferð,“ segir Ólafur og nefnir sem dæmi Vísir.is, Mbl.is og Já.is. Síða eins og Fótbolti.net hefur rúmlega 30 prósent hlutfall snjalltækja sem Ólafur segir væntanlega skýrast af markhópnum.

Samkvæmt samræmdri vefmælingu Modernus eiga snjalltæki að meðaltali 34 prósent í allri umferð. Á markaðsvefjum og vefjum sem höfða til yngri hópa hafa þeir séð snjalltækjahlutfall í kringum 40 prósent.

„Þróunin er komin lengst hjá samfélagsmiðlum, sem höfða jafnframt til yngri markhópa.



BREYTTUR VERULEIKI Peir Einar Ingi Farestveit og Ólafur Örn Nielsen, stofnendur Form5, segja breytingar á vefumferð hafa áhrif á iðnaðinn í heild sinni. FRÉTTABLAÐIÐ/GVA

Facebook sagði í ágúst í fyrra að 78 prósent notkunarinnar væru „mobile“ á móti 22% í „desktop“,“ segir Ólafur.

Ólafur segir að ef sama þróunin heldur áfram verði vefnotkun algengari í snjalltækjum heldur en hefðbundnum tölvum, það er fartölvum og borðtölvum, jafnvel á þessu ári og vefmiðlar sem selji auglýsingar þurfi að aðlaga auglýsingamódel sín þessum nýja veruleika.

„Það er nauðsynlegt fyrir fyrirtæki að vefir þeirra séu skalanlegir og aðlagðir síðum og jafnframt að mark-

aðssókn þeirra á netinu henti og sé miðuð að þessum breytta veruleika,“ segir Ólafur.

Hann segir þetta hafa ákveðna áherslu í för með sér fyrir vefiðnaðinn í heild sinni.

„Að skala vefina var áður valkostur en nú er mikilvægt að notendaupplifunin sé jafn góð fyrir allar skjástærðir,“ segir Ólafur að lokum.

Form5 er vefstúdíó sem hannar allt frá vefsíðum til snjallforrita. Starfsmenn fyrirtækisins eru fjórir og hafa þeir starfað fyrir fyrirtæki á borð við Össur, 66°Norður, Símann og Nikita.

Uppgjör Landsbréfa kynnt: Hagnaður 187 milljónir

Landsbréf hf. högnuðust um 187 milljónir króna á síðasta ári samborið við sjö milljóna króna hagnað árið 2012. Hreinar rekstrartekjur námu 959 milljónum og jukust um 526 milljónir á milli ára, samkvæmt tilkynningu Landsbréfa vegna ársreiknings 2013.

Þar segir að eigið fé Landsbréfa hafi numið 1.644 milljónum króna í árslok 2013. Þá annaðist félagið rekstur 34 sjóða og félaga og eignir í stýringu voru um 110 milljarðar króna og höfðu aukist um 33 prósent á árinu. Um tólf þúsund einstaklingar og lögaðilar eru með fjármuni í sjóðum eða í eignastýringu hjá Landsbréfum, samkvæmt tilkynningunni.

- hg

Álver Rio Tinto Alcan í Straumsvík framleiðir ekki lengur álbarra í fyrsta sinn í fjörutíu ára sögu sinni:

Síðasti álbarri farinn frá Straumsvík

Starfsmenn álvers Rio Tinto Alcan í Straumsvík framleiddu síðasta álbarra fyrirtækisins í síðasta mánuði. Þar með lauk yfir fjörutíu ára sögu álbarraframleiðslu í álverinu Straumsvík.

Síðasti álbarri fór með skipi í lok janúar á þessu ári til viðskiptavinar fyrirtækisins til fjölda ára í borginni Singen í Þýskalandi.

„Það er systurfyrirtæki okkar í Þýskalandi sem hefur keypt ál af okkur í marga áratugi og mun gera það áfram og því var vel við hæfi að síðasti barri færi þangað,“ segir Rannveig Rist, forstjóri Rio Tinto Alcan á Íslandi í samtali við Markaðinn.

Álver Rio Tinto Alcan í Straumsvík framleiðir nú bæði álstangir og álkubba til útflutnings. Rio Tinto Alcan hefur að undanförunni unnið að breytingum á steypuskála álversins í þeim tilgangi að skipta að fullu úr álbarraframleiðslu yfir í framleiðslu á álstöngum. Gert er ráð fyrir að framkvæmdum ljúki í næsta mánuði.

„Við erum búin að breyta hluta af okkar búnaði til að framleiða stangir sem þurfa meiri úrvinnslu en eru verðmætari en barrarnir. Þetta er skemmtilegt fyrir okkur að vera að framleiða meira virðisaukandi og flóknari vörur,“ segir Rannveig.

- hg



TÍMAMÓT Margir starfsmenn álversins skrifuðu nöfn sín á álbarrið áður en hann var sendur til Þýskalands. MYND/ISAL

RV skrifstofuvörutilboð

Verð frá **297 kr.** pr. pk.

Raðhjóður

Verð frá **57 kr.** pr. stk.

Kúlupennar

Verð frá **288 kr.** pr. stk.

Bréfabindi

Verð frá **698 kr.** pr. stk.

Reiknivél

Verð frá **498 kr.** pr. 500 bl.

Ljósritunarpappír

Verð frá **297 kr.** pr. pk.

Tússlitir

RV - birginn þinn í skrifstofuvörum og daglegum rekstrarvörum

Rekstrarvörur
- vinna með þér

Réttarhálsi 2 • 110 Reykjavík
Sími: 520 6666 • Fax: 520 6665
sala@rv.is • www.rv.is



Umbúðahönnun 2014

Opin keppni

Oddi, Félag Íslenskra teiknara (FÍT) og Listaháskóli Íslands (LHÍ) standa að opinni hönnunarsamkeppni fyrir matvælaumbúðir úr kartoni, bylgjupappír og/ eða mjúku plasti. Keppnin er framar öllu öðru hugmyndasamkeppni. Hún er opin öllum, án endurgjalds.

Hvatning: Allir með!

Starfsfólk hjá stórum sem smáum hönnunarfyrirtækjum eða –deildum og auglýsingastofum er sérstaklega hvatt til að senda inn tillögur, en þó jafnframt sjálfstætt starfandi hönnuðir og nemendur í faginu.

Matvælaumbúðir

Viðfangsefnið er matvælaumbúðir, hvort heldur fyrir óunnið hráefni eða fullunna vöru í föstu eða fljótandi formi. Matvara, sælgæti, drykkir – hvaðeina kemur til greina. Athugið að umbúðirnar mega ekki hafa verið framleiddar áður, en þær má hins vegar hanna utan um eldri vöru sem nú þegar er á markaði. Lögð verður áhersla á framleiðsluhæfi og notagildi umbúða, einnig efnisnotkun og umhverfisvænar lausnir. Öllum tillögum skal fylgja sýnishorn.

Nánari upplýsingar

Beiðni um keppnisgögn skal senda á keppni@oddi.is með upplýsingum um nöfn, netföng og símanúmer þátttakenda. Í því netfangi eru jafnframt veittar nánari upplýsingar. Á vefsvæði Odda er enn fremur að finna ítarleg gögn um keppnina (www.oddi.is).

Hráefni í sýnishorn

Oddi leggur öllum keppendum til pakka með úrvali hráefnis úr kartoni, bylgjupappír og mjúku plasti. Tillögur skulu miðast við það hráefni að hluta til eða í heild. Oddi veitir öllum keppendum ákveðna aðstoð við uppbyggingu sýnishorna.

Lokaskil 17. mars

Lokaskil á tillögum eru mánudaginn 17. mars. Úrslit í keppninni munu liggja fyrir í lok marsmánaðar og verða tilkynnt í tengslum við sýningu FÍT í Þjóðmenningarhúsinu á Hönnunarmars, 27.-30. mars 2014.

Dómnefndin

- Elísabet Ýr Sigurðardóttir, umbúðahönnuður hjá Odda
- Hafsteinn Júlíusson, vöruhönnuður hjá HAF
- Halla Helgadóttir, framkvæmdastjóri Hönnunarmiðstöðvar
- Högni Valur Högnason, grafískur hönnuður hjá Íslensku og formaður Félags íslenskra teiknara (FÍT)
- Lóa Auðunsdóttir, aðjúnkt í vöruhönnun við Listaháskóla Íslands
- Sigurður Oddsson, grafískur hönnuður hjá J&L
- Sindri Páll Sigurðsson, vöruhönnuður hjá Össuri

Ágætis verðlaun

- 100.000 kr. í peningum og 200.000 kr. prentinneign hjá Odda
- 75.000 kr. í peningum og 100.000 kr. prentinneign hjá Odda
- 50.000 kr. í peningum og 50.000 kr. prentinneign hjá Odda

Að auki

Aukaverðlaun, 100.000 kr. prentinneign hjá Odda, verða veitt þeirri tillögu sem sýnir fram á óvenjulega framsækna og ferska nálgun á notkun umbúða.





STÓRMÓT Síðasta heimsmeistaramót í LoL var haldið í Staples Center í Los Angeles, á heimavelli körfuboltaíðsins LA Lakers. Þar bar suður-kóreskt lið sigur úr býtum.

FRÉTTABLAÐIÐ/JESTER

Atvinnumenn í internettölvuleik

Aðalsteinn Óttarsson er þróunarstjóri hjá Riot Games sem gefur út nettengda fjölspilunar-tölvuleikinn League of Legends. Alls spila 67 milljónir leikinn á mánuði og til eru þeir sem hafa það að atvinnu að keppa í leiknum.

VIÐTAL

Fanney Birna Jónsdóttir | fanney@frettabladid.is

„League of Legends, eða LoL eins og hann er oft kallaður, er langstærsti netleikurinn sem spilaður er í heiminum í dag, það er að segja PC-leikur,“ segir Aðalsteinn Óttarsson í samtali við Markaðinn.

Aðalsteinn er „Senior Development Director“ eða þróunarstjóri hjá leikjafyrirtækinu Riot Games sem gefur út leikinn. Um 27 milljónir spilara spila leikinn á degi hverjum og 67 milljónir á mánuði. Hjá fyrirtækinu starfa yfir 1.400 manns á heimsvísu og yfir 800 eru starfandi í höfuðstöðvum þess í Santa Monica í Los Angeles í Bandaríkjunum.

BYRJADI HJÁ OZ

Aðalsteinn starfaði áður sem forritari og síðar við verkefna- og framleiðslustjórnun hjá íslenska leikjafyrirtækinu CCP sem allir þekkja. „Ég var það heppinn að vera ráðinn inn í fyrirtækið OZ seint á tíunda áratugnum sem forritari. Þar hitti ég mikið af frábæru fólki sem síðar fór og stofnaði CCP og ég fór með. Ég var þar að forrita, en stuttu eftir að góður vinur minn slóst í hópinn, benti hann mér á það að ég væri ekkert sérlega góður í því og fór að huga að verkefnastjórnun og innleiðingu á aðferðafræðum,“ segir Aðalsteinn.

Hann kynntist Riot games skömmu eftir að fyrirtækið gaf út LoL og var í sambandi við stjórnendur þess á ráðstefnum og öðrum viðburðum. Hann segir fyrirtækið keimlíkt CCP að því leyttinu til, að leikurinn er gefinn út beint til spilaranna

og notuð er svipuð aðferðafræði við að skila honum út til þeirra.

STRÍÐ MILLI FYLKINGA

Sögusvið League of Legends er heimurinn Runeterra þar sem hinar ýmsu fylkingar háðu hatrömm stríð sín á milli. Eftir því sem eyðilegging og ókyrrð vegna þessara stríða jókst í Runeterra varð ljóst að nýja lausn þurfti til þess að útkljá valdabaráttuna. Galdramenn einnar fylkingarinnar bjuggu því til Réttlætisvöllinn, þar sem stríð eru háð án þess að stofna almennum borgurum í hættu. Helstu stríðsmenn hvarrar fylkingar byrjuðu að keppa um réttinn til þess að berjast fyrir þjóð sína og hljóta þann heiður að komast í hóp virtustu stríðsmanna Runeterra.

League of Legends er nettengdur fjölspilunarleikur með 10 spilurum í hverjum leik, fimm í hvoru liði. Hver spilar stjórnar einni hetju sem hann velur fyrir leikinn úr hópi 117 hetja. Leikurinn byggir á svipuðum lögmálum og aðrir tölvuleikir, það er, spilarinn safnar fjármunum (gulli) og reynslustigum á meðan á leiknum stendur. Reynslustigin fara í að þróa krafta hetjunnar á meðan gullið fer í að kaupa hluti sem styrkja hinar ýmsu hliðar hetjunnar, eins og að auka skaða hetjunnar eða byggja upp meira þol gagnvart skaða. Hver leikur endist í um 35 til 45 mínútur og er markmiðið að eyðileggja turna og bækistöð óvinaliðsins og leikurinn vinnst þegar aðalbygging óvinaliðsins er eyðilögð.

LEIKURINN EINFALDEGA GÓÐUR

Hlutverk Aðalsteins í vinnunni er að leiða teymi sem vinnur að lóðsun og stjórnun á þróunar-teymum tölvuleiksins og er ábyrgur fyrir vinnukerfinu,

sem allir í þessu umhverfi vinna eftir, og einnig stöðugum endurbótum á því.

„Þetta eru um 400 manns sem vinna í teyminum og skila frá sér tölvuleiknum á tveggja til þriggja vikna fresti til spilara úti um allan heim. Ég samkeyri það sem þessi teymi eru að gera,“ segir Aðalsteinn, sem segist einblína á að ganga úr skugga um að teymin nái eins góðum árangri og þau mögulega geta.

Hann segir ástæðu velgenginnar aðallega vera þá að leikurinn sé einfaldlega rosalega góður. „Svo hefur hann mikið endurspilunargildi. Það er mikil dýpt og breidd í leiknum og þó það sé svolítið flókið að byrja að spila þá lærir maður fljótt inn á hann,“ segir Aðalsteinn.

ATVINNUMENN Í LOL

„Leikurinn er spilaður bæði af nýgræðingum eða áhugamönnum úti um allan heim. En það er líka keppt í þessu sem íþróttagrein á heimsvísu. Það er bara hefðbundið atvinnumannumhverfi.“

Aðalsteinn segir muninn á þeim sem spila leikinn sér til dundurs og öðrum sem spila á hæstu stigum og keppa til að mynda á heimsmeistaramótum vera gríðarlegan.

„Þetta er atvinnumannaiþrótt, bæði eru almennt peningaverðlaun í boði og síðan eru liðin styrkt af fyrirtækjum um allan heim,“ segir Aðalsteinn. Sem dæmi er lið frá Danmörku, Copenhagen Wolves, styrkt af Adidas. Þá segir Aðalsteinn þekkja dæmi um lið sem haldi til í villu í Beverly Hills þar sem liðsmenn búa allir saman, æfa alla daga og gera ekkert annað. „Þá erum við með vikulegar útsendingar frá keppnum úti um allan heim.“



RIOT GAMES Aðalsteinn segir fjölda hafa það að atvinnu að keppa í LoL.

FRÉTTABLAÐIÐ/COLIN YOUNG-WOLFF RIOT GAMES

Það er meira áhorf á þessar vikulegu útsendingar okkar af keppnum LoL heldur en útsendingar af hafnabolta, sem er þjóðaríþrótt Bandaríkjanna,“ segir Aðalsteinn.

Leikurinn er ókeypis og hægt er að spila endalaust án þess að greiða nokkuð fyrir það. Aðalsteinn segir þó að tekjumódelið sé traust. „Þetta virkar þannig að við bjóðum upp á yfir 100 hetjur sem hafa hver og ein ákveðna hæfileika. Í hverri viku er ókeypis að spila tíu af þessum rúmlega 100 hetjum en það er breytilegt hverjar þær eru. Fólki finnst oft gaman að spila eina ákveðna hetju og þá kaupir það hana. Síðan gerir fólk útlitsbreytingar á sínum hetjum, til að persónugera þær. Það er oft mjög flott og fallegt og við erum með sérstaka hönnuði sem eru bara í því að gera þessar útlitsbreytingar,“ segir Aðalsteinn.

Leikurinn er spilaður bæði af nýgræðingum eða áhugamönnum úti um allan heim. En það er líka keppt í þessu sem íþróttagrein á heimsvísu.

MÍÐJA TÖLVULEIKJAIÐNADARINS

Aðspurður um muninn á því að vinna í leikjabransanum úti og heima segir Aðalsteinn léttur að mesti munurinn felist í loftslaginu. „En við leggjum rosalega mikið upp úr því að ráða til okkar toppfólk og það er töluvert auðveldara í borg eins og Los Angeles, sem er mikil miðja tölvuleikja- og skemmtanaíðnaðarins, að sannfæra fólk um að flytjast hingað heldur en á eyju í norðanverðu Atlantshafi.“

Hlutur nets og fartækja stækkar

Leikir á netinu og í fartæki kynda undir gífurlegan vöxt í leikjaiðnaði. Tekjuspár nálgast stjarnfræðilegar stærðir.

UPPLÝSINGATÆKNI

Óli Kristján Ármannsson | olikr@frettabladid.is

Veltutölur í tölvuleikjaiðnaði eru gífurlegar og virðist vöxtur í geiranum engan enda ætla að taka ef marka má spár.

Greiningarfyrirtækið Gartner gerði undir lok síðasta árs ráð fyrir að stærð tölvuleikjamarkaðarinnar, þar sem horft er til tölvuleikja af öllu tagi og á hvers kyns tækjum, næmi árið 2013 tæplega 93,3 milljörðum Bandaríkjadala. Upphæðin samsvarar rúnum 10.576 milljörðum íslenskra króna. Fyrirtækið gerir í áætlun sinni ráð fyrir vexti upp á tæp 18,3 prósent á milli 2012 og 2013.

Tölvuleikir á fartækjum (snjallsímum, spjaldtölvum og viðlíka tækjum) eru svo sagðir sá geiri þar sem vöxtur er hvað hraðastur í leikjaiðnaði.

Fyrirtækið spáir svo áframhaldandi vexti þannig að markaðurinn fari í 101,6 milljarða dala á þessu ári (vaxi um 8,9 prósent í 11.521 milljarð króna) og vaxi svo um önnur 9,3 prósent milli 2014 og 2015.


„Tölvuleikir á netinu og í PC-tölvum verða vinsælir áfram en þeim geira eru þó skorður settar í stærð. Gartner býst við að hefðbundnum PC-tölvum verði ekki skipt út fyrir nýjar þegar kemur að endurnýjun hjá heimilum, heldur verði spjaldtölvur fremur fyrir valinu,“ segir í tilkynningu Gartner. Þetta leiði til þess að leikjatlölvur og leikir fyrir fartæki nái afgerandi forystu á „hefðbundna“ tölvuleiki fyrir einkatölvur.

Samkvæmt gögnum Superdata Research, sem gefur út margvíslega tölfræði fyrir

leikjaiðnaðinn, námu tekjur af stafrænum leikjum á Vesturlöndum 21,8 milljörðum dala á síðasta ári og jukust um 12 prósent á milli ára. Í krónum eru tekjurnar tæpir 2.472 milljarðar króna. Tölvuleikjasala í Bandaríkjunum einum hafi numið 18 milljónum dala (2.041 milljarði króna), en þar af hafi 65,6 prósent farið fram á netinu með stafrænni afhendingu.

Leikirnir sem mest voru sóttir í fartæki Apple á netinu í fyrra hafi svo verið Candy Crush Saga þegar horft er til ókeypis leikja og Minecraft þegar horft er til leikja sem greiða þarf fyrir. Superdata Research spáir líka hnignun sértekra leikjatlöva og bendir á að í fyrra hafi 51 prósent leikið sér í einkatölvum, 30 prósent í leikjatlölvum, 14 prósent í fartækjum og fimm prósent í smærri leikjatlölvum (GameBoy og þess háttar).

Í nýrri spá alþjóðlega greiningarfyrirtækisins IDC er því spáð að tekjur af tölvuleikjum fyrir einkatölvur (PC og Mac) haldi áfram að vaxa í heiminum og fari yfir 24 milljarða dala (yfir 2.721 milljarð króna) árið 2017. Þar ráði miklu aukning í Asíu og á Kyrrahafssvæðinu. Spár fjárfestingarbankans Digi-Capital, þar sem horft er til tölvuleikjamarkaðar í heild, eru svo enn bjartsýnni. Þar er gert ráð fyrir að leikir á netinu og í fartæki nái yfirhöndinni með 60 prósent hlutdeild árið 2017 og að tekjur af stafrænum leikjum fari um leið yfir 100 milljarða dala. Eftir nokkru er að slægjast í þessari þróun því í krónum talið er kakan þá orðin tæplega 11.340 milljarðar króna að stærð.



SPJALDTÖLVA Í NOTKUN Stúlka drepur tímann í iPad-spjaldtölvu sinni með tölvuleiknum Hay Day frá Supercell. Því er spáð að fartæki og netleikir saxi hratt á hlut einkatölvu og leikjatlöva á næstu misserum.

FRÉTTABLAÐIÐ/AP



SKJÁSKOT Candy Crush er einhver vinsælasti netleikur heims um þessar mundir. Framleiðandinn, King Digital Entertainment, undirbýr hlutafjárútbóð þar sem safna á allt að 500 milljónum dala (56,7 milljörðum króna).

FRÉTTABLAÐIÐ/AP

TEKJUHÆSTU NETLEIKIR 2013


Netritið GamesIndustry International fjallaði nýverið um tekjuhæstu netleiki síðasta árs. Þar kemur meðal annars fram að League of Legends frá Riot Games hafi verið sá næsttekjuhæsti samkvæmt gögnum SuperData, þrátt fyrir að hafa halað inn yfir 600 milljónir dala. Vinsælastur reyndist vera suður-kóreski leikurinn CrossFire með tæpan milljarð dala í tekjur.

Leikur	Tekjur
1. CrossFire	957 mUSD (108,5 ma.kr.)
2. League of Legends	624 mUSD (70,7 ma.kr.)
3. Dungeon Fighter Online	426 mUSD (48,3 ma.kr.)
4. World of Tanks	372 mUSD (42,2 ma.kr.)
5. Maplestory	326 mUSD (37,0 ma.kr.)
6. Lineage	257 mUSD (29,1 ma.kr.)
7. World of Warcraft	213 mUSD (24,1 ma.kr.)
8. Star Wars: The Old Republic	139 mUSD (15,8 ma.kr.)
9. Team Fortress 2	139 mUSD (15,8 ma.kr.)
10. CounterStrike Online	121 mUSD (13,7 ma.kr.)

Prófaðu
áskrift
frítt
í 30 daga!
-engin skuldbinding!



 **Tónlist.is**

Hlustaðu hvar og hvenær sem er  Þú getur hlustað í tölvunni, símanum, spjaldtölvunni og í græjunum.

ÞORSTEINN VÍGLUNDSSON Það er ekkert til sem heitir sjálfstæður seðlabanki – stundum

Þorsteinn Víglundsson er gestur Klinkins á Vísir.is í þessari viku. Þorsteinn er framkvæmdastjóri Samtaka atvinnulífsins. Samtök in hafa gagnrýnt ríkisstjórn Sjálfstæðisflokks og Framsóknarflokks fyrir að biða ekki eftir skýrslu Alþjóðastofnunar Háskóla Íslands um stöðu Evrópumála sem aðilar vinnuarkaðarins kölluðu eftir, áður en ákvörðun var tekin um að slíta viðræðum við ESB.

Klinkið ræddi við Þorstein um stöðu viðræðanna og fyrirhuguð slit á þeim, peningamálastefnuna og horfurnar fram undan.

Þá ræddi Þorsteinn einnig ástandið í Seðlabanka Íslands og mikilvægi sjálfstæðis bankans, ásamt öðru.

„Ljóst að Evrópusambandsaðild og evrupptaka var peningamálastefna fyrir ríkisstjórnar, það er ekki peningamálastefna þessarar ríkisstjórnar, en það liggur ekki ljóst fyrir hver hún er, hvernig hún verði framkvæmd með krónu, hver kostnaður af sjálfstæðum gjaldmiðli muni verða fram á veginn og að það muni gera okkur kleift að stíga það skref sem er hvað mikilvægast fyrir okkur sem er að aflétta höftum.“

„Hægt að gera miklu betur með íslenska krónu heldur en okkur hefur auðnast að gera hér á undanförunum árum og áratugum. En það er að sama skapi líka ljóst að hún mun alltaf bera kostnað, áhættuálag á aðrar myntir. Svartið sem við þurfum að fá er hvort sá kostnaður er ásættanlegur á móti þeim fornum sem þyrfti að færa til þess að ganga inn í Evrópusambandið til dæmis í málefnum sjávarútvegs.“

„Það gleymist gjarnan í þessu tali um mikilvægi sjálfstæðrar myntar og sveigjanleika hennar – að sveigjanleiki hennar hefur yfirleitt verið nýttur til að takast á við heimatilbúinn vanda.“

„Sjálfstæður seðlabanki er mjög mikilvægur þáttur. Það felur það í sér að seðlabanki ekki aðeins má, heldur þarf að gagnrýna ríkisstjórn ef hann telur stjórnina vera á rangri leið, sem ekki samrýmist meginmarkmiðum seðlabankans um verðlagsstöðugleika.“

„Það er mjög óheppilegt að hér sé forsætisráðherra að atyrða seðlabanka og ég tala nú ekki um í beinu framhaldi að ákveða að það sé ekki framlengd ráðning á seðlabankastjóra. Menn hljóta að horfa á þetta tvennt í samhengi og velja því fyrir sér, er þetta atlega gegn sjálfstæði seðlabankans eða ekki. Það þarf þá æði sterk rök ríkisstjórnarinnar að svo er ekki.“

**„ÞAÐ ER ALVEG SAMA HVAÐA
PENINGAMÁLSTEFNU VIÐ HÖFUM HÉR UPPI,
EF VINNUMARKAÐUR OG RÍKISFJÁRMÁLIN
VINNA EKKI MEÐ HENNI ÞÁ ER HÚN
DAUÐADÆMD.“**

Klinkið

Fanney Birna Jónsdóttir
fanney@frettabladid.is



Viðtalið við Þorstein Víglundsson er hægt að sjá í þættinum **Klinkinu** á www.visir.is.

Hefur gegnt tíu stöðum hjá Actavis

Guðbjörg Edda Eggertsdóttir, forstjóri Actavis á Íslandi frá árinu 2010, hefur starfað hjá fyrirtækinu og forverum þess í 34 ár. Hún er veiðimaður og golfari og tók í nóvember þátt í að stofna Wagner-vina félag á Kúbu.

SVIPMYND

Haraldur Guðmundsson | haraldur@frettabladid.is

„Síðasta vika var spennandi og það var mikil ánægja með uppgjörið. Markaðurinn er greinilega ánægður með vikuna því gengi bréfanna þýtur upp,“ segir Guðbjörg Edda Eggertsdóttir, forstjóri Actavis á Íslandi.

Actavis plc., móðurfélag Actavis á Íslandi, tilkynnti í síðustu viku um besta ársuppgjör í sögu félagsins, en tekjur þess árið 2013 jukust um 47 prósent á milli ára. Tveimur dögum áður var tilkynnt um kaup móðurfélagsins á bandaríska lyfjafyrirtækinu Forest Laboratories fyrir 25 milljarða dala, sem svarar til rúmlega 2.830 milljarða króna.

Edda tók við starfi forstjóra Actavis á Íslandi haustið 2010. Saga fyrirtækisins nær aftur til ársins 1956 þegar heilðsöluvirkjafélagið Pharmaco var stofnað, en Guðbjörg hefur starfað hjá fyrirtækinu og forverum þess í 34 ár. Hún var fyrst ráðin í starf lyfjakynnis en var síðan gerð að markaðsstjóra Deltu, dótturfélags Pharmaco.

„Ég hef verið í stjórnunarstöðum síðan og er búin að gegna um tíu mismunandi stöðum innan fyrirtækisins. Þó ég hafi ekki beinlínis skipt um vinnu þá er svo sem ekkert sem ég er að gera í dag líkt því sem ég gerði fyrir þrið-



REYNSLUMIKIL Edda er yfirmaður á vinnustað með 720 starfsmönnum. FRÉTTABLAÐIÐ/GVA

tíu árum síðan,“ segir Guðbjörg.

Þegar lyfjaverksmiðja Delta var opnuð í Hafnarfirði árið 1983 störfuðu þar um tuttugu manns. Í dag er Guðbjörg yfirmaður á vinnustað með 720 starfsmönnum.

„Við erum með ársþáttinn á laugardaginn í Íþróttahúsi Breiðabliks í Kópavogi. Það er hvergi pláss fyrir

árshátíðina í hefðbundnum veislusölum því þetta er þúsund manna samkoma.“

Edda er gift Eyjólfri Haraldssyni lækni og þau eiga tvo syni, Eggert og Harald Svein.

„Við hjónin förum alltaf í nokkra veititúra á sumrin og stundum fara synir okkar tveir með. Einn-

Vinnusöm og alltaf vel undirbúin



„Edda hefur verið í stjórn Auðar Capital frá 2007 og hún er frábær stjórnarmaður og alltaf vel undirbúin. Hún er ótrúlega fljót að greina á milli aðalatriða og aukaatriða í þeim málum sem koma upp og kemur með sína miklu reynslu að borðinu, því hún hefur gengið í gegnum miklar breytingar í sínu fyrirtæki. Okkur hefur fundist við gæfusöm að fá að njóta handleiðslu hennar. Edda er mjög mikið á ferðalagi og ég hef stundum sent henni tölvupóst seint um kvöld og fengið sjálfvirka tölvupóstsvarið sem segir að hún sé á ferðalagi í Japan eða annars staðar langt í burtu með „lítinn aðgang að tölvupósti“, síðan fæ ég smástund síðar svar við erindinu.“

Tanya Zharov, löfgræðingur Virðingar.



„Ég er búinn að vinna lengi með Eddu, en hún var minn næsti yfirmaður um töluverðan tíma. Það sem kannski einkennir Eddu er gríðarleg yfirsýn og hún býr að mikilli reynslu á sínu sviði og alveg ofboðslegu jafnaðargeði. Svo má segja að hún hafi alltaf verið mjög vinnusöm og hún hefur komið víða við. Edda átti gríðarlega stóran þátt í uppbyggingu Actavis á sínum tíma og er í þessum hópi sem var mjög framsýnn þegar verið var að byggja fyrirtækið upp. Ég hef líka notið þeirrar ánægju að veiða með Eddu og þar er hún í essinu sínu, hún nýtur sín vel í því umhverfi við árbakkann.“

Valur Ragnarsson, forstjóri Medis.

ig förum við oft í golf, enda búum við nánast á golfvelli,“ segir Edda þegar blaðamaður spyr um áhugamál.

Þau Edda og Eyjólfur hafa einnig mikinn áhuga á tónlist og þá sérstaklega óperum.

„Við höfum ferðast víða til að sækja slíka viðburði og förum

síðast í nóvember til Havana og tókum þátt í að stofna Wagner-vinafélag á Kúbu. Kúbumenn eiga myndarlegt þjóðleikhús og þar sáum við skemmtilega óperusýningu. Húsið er auðvitað ekkert á við Metropolitan í New York en þetta var mjög gaman,“ segir Guðbjörg og hlær.

ASUS SMÁTÖLVUR

Öflugar og hljóðlátar borötölvur sem hægt er að festa aftan á tölvuskjái. Kraftmiklar og hraðvirkar með nýjustu kynslóð Intel örgjörva og háhraða þráðlausri tengingu með nýrri AC tækni.



RAUNSTÆRÐ: 19 sm

The ASUS logo is displayed in its characteristic blue, stylized font.

VINNUSTÖÐVAR FRAMTÍÐARINNAR

VivoPC er spennandi nýjung frá Asus. Smátölvur sem hafa afköst og eiginleika stærri borötölvu. Fyrirtæki geta valið milli Intel Celeron, i3 eða i5 örgjörva eftir því hvað hentar vinnslu viðkomandi starfsmanns best. Intel HD skjástýring og hágæða hljómur með innbyggðum hátölurum og SonicMaster hljómtækni.

Glæsilega hönnuð og tekur lítið pláss á borði - aðeins 19 sm á breidd og lengd. VESA festing fylgir þannig að einnig hægt er að skrúfa smátölvuna aftan á tölvuskjá.

Traustur og hagkvæmur kostur fyrir þá sem vilja öflugar borötölvur sem taka lítið pláss.



The logo for tl.is, featuring the text "tl.is" in a yellow speech bubble.

The logo for TÖLVU LISTINN, with "TÖLVU" in blue and "LISTINN" in red, both in a bold, sans-serif font, enclosed in a blue-bordered box.

FYRIRTÆKJAFJÓNUSTA

414-1710 / sala@tl.is

Ríkisstjórnarsáttmáli landsfundar

Afstaða formanns Sjálfstæðisflokksins í Evrópumálum, eða réttara sagt breytt afstaða hans, hefur átt umræðuna undanfarna daga. Það er ekki í fyrsta sinn sem formaðurinn breytir afstöðu sinni í þessum málaflokki, árið 2008 lýsti hann því yfir í aðsendri grein í Fréttablaðinu að hann, ásamt núverandi menntamálaráðherra, vildi leggja það í hendur þjóðarinnar að taka afstöðu til Evrópusambandsins og sagði að krónan myndi reynast okkur fjötur um fót í lengri tíma. Formaðurinn, Bjarni Benediktsson, hefur nú skipt um skoðun og telur hagsmunum Íslands betur borgið utan Evrópusambandsins og vill alls ekki bera málið undir þjóð sína.



Markaðshornið

Fanney Birna Jónsdóttir
fanney@frettabladid.is

Það hlýtur að vera von á góðu fyrir atvinnurekendur, viðskiptalífið og frjálslýnt fólk í íslensku samfélagi.

Það ætti ekki að telja mönnum það til lasta að skipta um skoðun. Raunar mættu stjórnáttamenn oftari viðurkenna að þeir hafi talað með óábyrgum hætti á einhverjum tímum en eftir að hafa kynnt sér mál betur hafi þeir komist að annarri niðurstöðu en upphaflega. Bjarni sagði í byrjun mánaðarins að frá því hann ritaði framangreinda grein hefði hann skoðað gjaldmiðlamál um alla Evrópu og færst yfir á þá skoðun að Íslendingar verði einfaldlega að sýna aga til að reka eigin mynt, sem þeir þyrftu að gera til að taka upp evruna hvort sem er.

Gott og vel. Bjarni Benediktsson er maður að meiri fyrir að viðurkenna að hafa kynnt sér málið betur og skipt um skoðun. Hins vegar er það ekki jafn aðáunartvert hvernig Bjarni hefur ákveðið að standa að málum undanfarna daga. Í aðdraganda kosninga auglýsti Sjálfstæðisflokkurinn það sérstaklega, að hann hygðist beita sér fyrir þjóðaratkvæðagreiðslu um aðildarumsóknina – og raunar var Bjarni mjög skýr um nákvæmlega hvenær hún yrði haldin. Það var auglýst í kosningabæklingum og sjónvarpsþáttum og þá er skýrt kveðið á um þjóðaratkvæðagreiðslu í stjórnarsáttmála ríkisstjórnarinnar. Bjarni vísar hins vegar, máli sínu til stuðnings, í samþykkt landsfundar Sjálfstæðisflokksins þar sem skýrt er kveðið á um að hætta skuli viðræðum við ESB. Þannig hefði öllum átt að vera afstaða flokksins ljós og ekkert að koma á óvart. Það var og. Það eru væntanlega þjóðinni allri ný tóindir að ályktanir landsfundar Sjálfstæðisflokksins gangi fram bæði kosningaloforðum frambjóðenda sem og ríkisstjórnarsáttmála. Raunar hafa landsfundarfulltrúar flokksins vælt eins og stungnir grísir í gegnum árin yfir því að þingflokkur Sjálfstæðisflokksins gangi ítrekað gegn ályktunum landsfundar og hafi þær að engu.

Landsfundur ofar öðru

En nú virðist ætla að verða breyting þar á. Þá er ekki úr vegi að rifja aðeins upp hvað landsfundur, æsta vald íslenskra stjórnáttamála, samþykkti síðast. Þannig segir í ályktun landsfundar að íslenska krónan í höftum geti ekki verið framtíðargjaldmiðill þjóðarinnar og kanna skuli alla möguleika í gjaldmiðla- og gengismálum, þar með talið upptöku alþjóðlegrar myntar. Flokkurinn vill lækka um tug mismunandi skatta, tolla og gjöld, og afnema annan. Sjálfstæðisflokkurinn vill einnig að heimilt verði að selja léttvín og bjór í matvöruverslunum. Sjálfstæðismenn vilja þar að auki heilbrigða samkeppni með landbúnaðarafurðir og telja mikilvægt að hlúa að lista- og menningarlífi þjóðarinnar og standa vörð um menningarstofnanir. Í stjórnáttmálaályktun flokksins segir að besta leiðin til þess að styrkja stöðu heimilanna sé að tryggja fólki möguleika til að stunda arðbæra atvinnu. Flokkurinn sagðist munu leggja rækt við atvinnulífið og vinna að bættu umhverfi í samráði og sátt við fyrirtækin í landinu. Tryggja þurfi að hér á landi sé rekstrarumhverfi sem er samkeppnishæft við það besta sem gerist.

Bjart framundan hjá frjálslýndu fólki

Þó að frjálslýnt fólk kunni að greina á um hvort Íslandi sé betur borgið innan eða utan Evrópusambandsins er ljóst að innan ályktana Sjálfstæðisflokksins má finna ýmis atriði sem það ætti að geta sameinast um. Það hlýtur þá að vera, þrátt fyrir þessa brósugu byrjun, von á góðu fyrir atvinnurekendur, viðskiptalífið og frjálslýnt fólk í íslensku samfélagi úr því að landsfundarályktanir Sjálfstæðisflokksins eru skyndilega orðnar að sakramenti í stjórnáttmálastefnu ríkisstjórnarinnar.

Sprotarnir teygja sig vestur

SKOÐUN

Óli Örn Eiríksson,
deildarstjóri atvinnuþróunar
hjá Reykjavíkurborg.



Flótti sprotafyrirtækja frá landinu hefur verið heitt umræðuefni undanfarið. Þessi umræða hefur kannski einkennst full mikið af neikvæðni og ástæða til þess að horfa á víðara samhengi.

Væri íslenska landsliðið í knattspyrnu betra ef leikmennirnir færu ekki til útlanda og æfðu og spiluðu með bestu liðum heims? Líklegast ekki. Af hverju ætti þetta að vera öðruvísi fyrir íslensk fyrirtæki? Er það ekki gott fyrir þau að starfa í öflugustu þekkingarkjörnum heims þar sem þau eiga daglega í samskiptum við klárasta fólk sem hægt er að finna á sínu sérfræðisviði?

Það á ekki að vera vandamál að aðili vilji keppa á hæsta stigi. Viðfangsefnið snýst um það á hvaða stigi það gerir það. Fer fyrirtækið út örsmátt og illa fjármagnað eða fer það út stálpað með skýra sýn á eigin styrkleika og tilbúið að sækja fram.

Starfsstöðvar í Reykjavík

Undanfarin ár hefur fjöldi frumkvöðla reynt að byggja upp fyrirtæki fyrir innan íslensk gjaldeyr-

ishöft. Þróunin hefur verið sú að íslenska sprotahagkerfið virðist nú stefna hraðbyri í að verða bandarískt, þar sem bandarísk þekkingarfyrirtæki, sem reka dótturfyrirtæki eða starfsstöðvar í Reykjavík, eru í dag orðin stór hluti af nýsköpunarhagkerfi höfuðborgarsvæðisins.

Íslensk þekkingarfyrirtæki sem hafa verið keypt eða fjármögnuð á undanförmum árum af bandarískum aðilum eru til dæmis Latibær, Teledyne Gavia (Hafmynd), Sabre Airlines Solutions, Decode, Nextcode Health, HS Orka (kanadískir eigendur), CRI (aftur Kanada) og Verne Global. Annað afbrigði sömu þróunar eru íslenskir frumkvöðlar sem eiga bandarísk sprotafyrirtæki sem hafa þróunarstöð á Íslandi. Þetta eru fyrirtæki eins og Plain Vanilla, Skema, Datamarket, Mobilitus og Globetracker.

Skortur á englum

Í þessari þróun íslensks frumkvöðlasamfélags er framtíðarþroski þess falinn. Eitt af vandamálum ungra fyrirtækja í dag er skortur á „englum“ eða fjárfestum sem koma inn með bæði fjármagn og þekkingu. Þeir frumkvöðlar sem selja fyrirtæki sín breytast í fjárfesta með góða þekkingu á uppbyggingu sprotafyrirtækis.

Þróunin hefur verið sú að íslenska sprotahagkerfið virðist nú stefna hraðbyri í að verða bandarískt.

Dótt sala sprotafyrirtækja til útlanda dýpki bæði þekkingu sprotahagkerfisins alls (í gegn- um þekkingaryfirfærslu) og fjölgi (vonandi) innlendum fjárfestum þá þarf samhlíða að verða til stærri fyrirtæki sem hafa sínar höfuðstöðvar á Íslandi. Það er mikill akkur fyrir borg að hýsa höfuðstöðvar alþjóðlegra fyrirtækja. Það dregur mikil umsvif til sín, fjölda starfa í utanumhaldi og starf- amargjaldarinn er mikill.

Borg tækifæranna

Reykjavík stefnir að því að vera borg tækifæranna. Staður þar sem dugmikið fólk getur látið drauma sína rætast. Til þess að draumar frumkvöðla rætist þurfa þeir þó á einhverjum tímum að fara frá Íslandi og spila í efstu deild. Best væri að héðan fari fyrirtæki stálpuð, haldi ákveðinni starfsemi eftir hér og að í borginni verði fjöldi skapandi þekkingarfólks sem bæði haldi og dragi til sín þekkingarfyrirtæki.

Örbrugghús frá Danmörku og Bandaríkjunum kynna bjór á hátíð Kex Hostels:

Heldur bjórhátíð í þriðja sinn

Fjögurra daga bjórhátíð Kex Hostels við Skúlagötu hefst í dag með kynningum sex örbrugghúsa frá Danmörku og Bandaríkjunum. Þar á meðal eru danski bjórframleiðandinn Mikkeller og bandarísku brugghúsin Rouge Ales og Logsdon Farmhouse Ales.

„Á morgun verðum við svo með ráðstefnu um bjór sem byrjar um þrjú leytið þar sem menn frá bæði íslensku og erlendu brugghúsum munu koma til með að ræða framleiðslu sína og þeirra sýn á bjórinn og svo verða fleiri skemmtilegir fyrirlesarar,“ segir Ólafur Ágústsson, veitingastjóri Kex Hostels.

Ólafur og nokkrir aðrir starfsmenn Kex Hostels heimsóttu í janúar örbrugghúsið Gigantic Brewing í Portland í Oregon-ríki í Bandaríkjunum en starfsmenn þess taka þátt í hátíðinni.

„Við leggjum mikið upp úr því að fá útlendinga til okkar, stóru brugghúsin, svo þau fái að kynna Íslendingum og aðstoða okkur við að hafa bjórinn í hávegum, á þeim stelli sem hann á skilið að vera á,“ segir Ólafur.



KEX HOSTEL Sjö íslensk brugghús verða einnig með kynningar á hátíðinni.

FRÉTTABLAÐIÐ/VALLI

-hg



ER ÞITT FYRIRTÆKI MEÐ SAMNING?

Fyrirtæki sem eru með samning við Icelandair njóta þess í hagkvæmari rekstri, betri tímanytingu og ánægðara starfsfólki.

Hlunnindi sem fyrirtækjasamningur veitir:

- Sérstakur ferðaráðgjafi hefur umsjón með hverju fyrirtæki.
- Neyðarnúmer sem er opið allan sólarhringinn – alla daga ársins.
- Afsláttur sem Icelandair býður er veittur af fargjöldum á því farrými sem fyrirtæki óska hverju sinni.
- Nákvæmt viðskiptayfirlit á vefnum.

+ Allar nánari upplýsingar á www.icelandair.is/fyrirtaeki eða sendið fyrirspurnir á fyrirtaeki@icelandair.is

ICELANDAIR

6th
sense[®] INDUCTION

Whirlpool
SENSING THE DIFFERENCE



SPANSUÐU BYLTINGIN: BESTA ÚTKOMA Í MATAGERÐ Á HELMINGI STYTTRI TÍMA

Nýji Whirlpool 6th SENSE spansuðu ofninn kynnir til sögunnar alveg nýja aðferð við matagerð sem vekja mun aðdáun matargesta þinna og gera lífið einfaldara. Umbreytir notkun hefðbundinna ofna með nýrri 6th SENSE spansuðu tækni sem skilar þér matarréttum sem eru fullkomlega brúnaðir að utan en jafnt matreiddir að innan á helmingi styttri tíma. Þetta er gert mögulegt með byltingarkenndum spansuðu bakka sem staðsettur er innan í ofnrýminu, sem inniheldur sérstaka spansuðu pönnu. Útkoman? Þú getur matreitt eins og meistarakokkur en sparað um leið allt að 50% orkunnar*. Byltingin er hafin, með ótrúlega einstökum ofni.



*Sé spansuðu tæknin notuð, samanborið við Whirlpool ofn án spansuðu tækninnar og með forhitun.

Whirlpool

Heimilistæki ht.is
UMBOÐSMENN UM LAND ALLT

Hin hliðin



HULDA BJARNADÓTTIR,
FRAMKV/EMDASTJÓRI FKA

Nýtt vistkerfi

Á dögunum birtist ítarleg greining í Kjarnanum undir yfirskriftinni: Karlar stýra nær öllu fé á Íslandi. Af 88 æðstu stjórnendum í fjármálafyrirtækjum, lífeyrissjóðum og öðrum fjárfestingaröflum, eru sex konur. Þannig að konur eru tæp 7% af þeim sem stýra fjármagni hér á landi á móti 93% karla. Og hvað skýrir það og hvað er mögulega til ráða. Hvaða stefnur og sjónarmið þarf að hugleiða ef eðlilegra hlutfall kynja á að ná fram að ganga?

Breytt fyrirtækjamening

McKinsey hefur til að mynda komist að þeirri niðurstöðu að fyrirtækjamening (e. corporate culture) er helsti þröskuldur þess að konur komist til áhrifa og er komið inn á það í úttekt Kjarnans. Þar er vitnað í rannsóknarskýrslu sem fyrirtækið gerði í fyrra og ber heitið „Women Matter 2013: Gender diversity in top management: Moving corporate Culture, moving boundaries“. Þar er sýnt fram á að fyrirtæki með fleiri konur í stjórnunarstöðum skili marktækt betri árangri en fyrirtæki með engar konur í slíkum.

Þrjú hagnýt skref

Kjarninn dregur fram þau skref sem McKinsey setti fram á sínum tíma, skref sem eiga að skapa nýtt vistkerfi (e. ecosystem) innan atvinnulífsins. Talað er um í fyrsta lagi að framkvæmdastjórn fyrirtækja skuldbindi sig til að auka jafnræði kynja í stjórnunarstöðum og að það markmið skuli skilgreint sem forgangsmatríði í stefnumörkun fyrirtækja. Í öðru lagi, að sett verði upp ferli sem hjálpi konum í að þróa og leiðtoga innan fyrirtækja. Og í þriðja lagi að stefnumörkun fyrirtækja leiði það af sér að konur séu kerfisbundið alltaf hafðar með til jafns við karla í öllum ráðningar- og stöðuhækkunarferlum.

Fjárstyrkur eða tengslanet

Svo gæti verið áhugavert fyrir áhugafólk um málefnið að kortleggja þessar upplýsingar Kjarnans enn frekar og sjá hvort ráðið hafi verið í þessar stöður eftir faglegum ráðningarleiðum – eða hvort tækifærið við að komast að borðinu hafi komið til vegna tengsla. Það er oft talað um að konur þurfi að fara fyrir fé ætli þær séu að komast til áhrifa. Því mætti einnig kortleggja hversu fjársterkir einstaklingar eru á bak við þau 93% karla sem sitja í áhrifastöðum í fjármálafyrirtækjum, lífeyrissjóðum og öðrum fjárfestingaröflum.

Félagsleg- og menningarleg blindni

Í úttektinni umræddu er einnig vitnað í Þórdísi Lóu Þórhallsdóttur, formann FKA, sem segir að það þurfi að taka bæði ráðningar- og framkerfi innan fyrirtækja til gagn-gerrar endurskoðunar. Það rímar við ofantalið.



HÁSKÓLINN Í REYKJAVÍK
REYKJAVÍK UNIVERSITY



GRUNNÁMSKYNNINGAR

Stofa V101

13:00 Frumgreinanám
13:30 Íþróttfræði
14:00 Viðskiptafræði
14:30 Sálfræði
15:00 Hvað á ég að velja - ætti ég að taka áhugasviðspróf?

Stofa M101

13:00 Tölvunarfræði og hugbúnaðarverkfræði
13:30 Iðnfræði
14:00 Tæknifræði
14:30 Verkfræði

Stofa M103

14:30 Lögfræði

MEISTARANÁMSKYNNINGAR

Stofa Ú102

12:30 MBA-nám
13:00 Lögfræði
13:30 Tölvunarfræðideild
14:00 Íþróttfræði
14:30 Viðskiptafræði
15:00 Sálfræði
15:30 Verkfræði
16:00 MPM-nám

VELKOMIN Á HÁSKÓLADAGINN Í HR

laugardaginn 1. mars kl.12-16.

Á Háskóladeginum kynna allir háskólar landsins námsframboð sitt. Í HR geta gestir spjallað við nemendur og kennara um allt sem viðkemur grunnnámi, meistaranámi, doktorsnámi, frumgreinanámi og námi við Opna háskólann í HR. Auk þess kynna nemendur margvísleg verkefni og boðið er upp á skemmtidagskrá fyrir alla fjölskylduna. Jafnframt kynnir Háskólinn á Bifröst námsframboð sitt í húsakynnum HR.

DAGSKRÁ:

13:00 Verðlaun afhent í Hugmyndasamkeppni HR, Vísindavilli spjallar við forvitna krakka og gerir með þeim tilraun og hljómsveitin Vök flytur tónlist.
14:00 Kór tónlistardeildar LHI syngur undir stjórn Sigurðar Árna Jónssonar, nemanda í tónsmíðum.
15:00 CALMUS AUTOMATA. Hugbúnaður sem semur og spilar tónlist í rauntíma með aðstoð gervigreindar.

LEGO-námskeið fyrir 6-12 ára börn:

Kl. 12:00, 13:30 og 15:00 í stofu V109. Skráning á staðnum.

Forritunarnámskeið með SKEMA:

Kl. 12:00 (7-10 ára) og 13:00 (11-16 ára) í stofu M107.

Skráning á staðnum.

NEMENDUR KYNNA VERKEFNI SÍN Í SÓLINNI:

- Skemmtileg eðlisfræði: Van der Graaff-kúla, eldorgel, röntgen og segulkraftur
- Prívíddarlíkön og prívíddarprentari
- Forritunarkeppni framhaldsskólanna í HR kynnt - gestir fá að spreyta sig á lausn verkefna
- Rannsóknir á tölvuleikjahönnun: Hvernig á að gera tölvuleiki einstaklingsmiðaða?
- Verkefni í sýndarheimum
- Loftbilar, róbotar og Tommy, sjálfvirkur dótabyssuturn, ásamt sjálfvirkum radarsjónbílum
- Mælingar á vöðvaspennu
- Lögfræðipjónusta Lögréttu verður á staðnum

Taktu upplýsta ákvörðun! KOMDU Á HÁSKÓLADAGINN 2014 1. MARS KL.12-16

- Háskólinn á Akureyri, Háskólinn á Hólum og Landbúnaðarháskóli Íslands verða með námskynningu á Háskólatorgi í Háskóla Íslands.
- Háskóli Íslands kynnir námsframboð sitt í Aðalbyggingu, Háskólatorgi, Öskju og Háskólabíói.
- Háskólinn í Reykjavík og Háskólinn á Bifröst kynna námsframboð háskólanna í húsakynnum Háskólans í Reykjavík í Nauthólsvík.
- Listaháskóli Íslands verður með kynningu á námsbrautum sínum í Þverholti 11.

HÁSKÓLA
DAGURINN



f /Háskóladagurinn
#hdagurinn

Ábendingahnappinn má
finna á www.barnaheill.is



S A F T

